



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

14. Tandem ex auctoritate & consuetudine antiquissima ipsius
Universitatis Parisiensis, & scholæ Sorbonicæ.

urn:nbn:de:hbz:466:1-38277

ficem errare: inchoatque hanc traditionem à Leone Primo (qui saeculo quarto obiit) & prolato ejus testimonio, mox transit ad Leonem X. qui saeculo decimo quinto Ecclesiam gubernavit. Egregiam enimvero traditionem, mille tantum & centum annorum spatii interruptam! At nos tam in superiori, quam in praesenti paragraphe de saeculo ad saeculum testimonij omni exceptione majoribus ostendimus, tam Ecclesiae Universali, quam etiam in specie Ecclesiae Gallicanae Pontificiam infallibilitatem persuasam fuisse.

XIV. Ut vero tanto perfectior sit haec Demonstratio, ostendendum est, etiam Universitatem Parisiensem pro Pontifice semper stetisse.

Id vero multis modis, evidentiusque probari potest. Nam primo. Certum est, Universitatem Parisiensem nunquam doctrinam tradituram esse, quam sciret doctrinæ omnium Patrum, ac ipsius Gallicanæ Ecclesie adversam esse: at adversa est, quæ dicit, Papam cum e Cathedra pronuntiat, errare, fallique posse, ut supra ostendimus. Secundo. Praecipui hujus Universitatis, ac celeberrimi Doctores, à quorum vestigijs alij minorisque nominis nunquam deflexerint, infallibilitatem admiserent. Ji sunt Alcuinus Caroli Magni Praceptor, & primus Parisiensis Universitatis Auditor, Albertus Magnus, S. Thomas, S. Bonaventura à nobis supra citati. Quis credit tam præclaris Doctoribus, & quibus maiores Gallia non habuit, voluisse Universitatem Parisiensem deviare? Tertiè. Longa consuetudine in Parisiensi Universitate receptum est, ut quicunque in hac Universitate ad primos gradus promoventur, hanc ipsam infallibilitatem profiteantur. De hac consuetudine Andreas Duvalius Doctor Sorbonicus, & in Academia Parisiensi Regius Theologiæ Professor testis omni exceptione major in suo tractatu de potestate Ecclesiastica, quam in lucem edidit Anno 1604, nunquam duo alij Parisienses Doctores Jo. G. J. Bocher, & J. Ruhe approbarunt, ita loquitur: *Laudabilis in Academia Parisiensi viget consuetudo, quâ Baccalaurei de questionibus Theologicis solemniter responsuri protestationem premitunt, se nolle quidquam contra Decreta sancte Matris Ecclesie, nec non sancte Sedis Apostolicae & Romane afferere, aut defendere, & si quid adversus ejus Decreta in aula disputationis illis exciderit; vel ignorantia, vel immemoria,*

vel lingua precipitania attribuendum velle. Quarib. Gravissimi in Gallia Doctores, testesque oculati hanc ipsam esse Universitatis Parisiensis mentem ac sententiam aperte confitentur; proinde Marca Archiepiscopi Tholosani testimonium jam supra recitavimus. Theophilus Raynaudus, & ipse Gallus in opusculo, cui titulus: *Δυτος εφαλ*, allegatis quā plurimis ex schola Parisiensi Doctoribus: *Quotquot,* inquit, ante Concilium Constantiense floruerunt, possent omnes i theologi produci; nam non nisi a tempore Concilij Constantiensis & Basileensis revocata est in controversiam hæc veritas apud Catholicos; sed omnes anteriores unanimiter docuerunt, Definitiones Pontificias etiam absque Concilio Generali editas facere rem de fide. Josephus quoque Gibalinus lib. 5. de jure Canonico cap. 3. l. 15. ex professio tueretur, latèque demonstrat, hanc esse & fusile temper doctrinam scholæ Theologicæ Parisiensis, tam in definitionibus & censuris editis ab ipsa in unum congregata, quā in scriptis singulorum ipsius Universitatis Doctorum. Pater Augustinus à Virgine Maria Carmelita Gallus Provinciae Turonensis in anno tertio cursus Theologici tract. de fide dist. 10. *Prater paucos jam citatos Doctores* hucusque alios ex illa Facultate probatos Auctores non habemus, quitypis defendant sententiam nostram oppositam. Quinio. Sed nemo magis quā ipsa Parisiensis Universitas mentem suam explicaverit.

Anno MCCCLXXXVII. Sic per Petrum Aliacensem Universitatis Cancellarium Clementem VI. alloquitur: Emendari a te cupimus, qui Peri Sedem, & fidem tenes, non ignoramus enim, sed firmissime tenemus, & nullatenus dubitamus, quid sancta Sedes Apostolica est illa Cathedra Petri, super quam Hieronymo teste Ecclesia est fundata, de qua sede in persona Petri Apostoli in ea sedentis dictum est. Petre rogavi pro te, ut non desicit fides tua: hac est ligitur, ad quam determinatio fidei & approbatio Veritatis Catholicæ, a heretica impie-tatis detestatio maxime pertinet. Eadem Universitas Anno 1554. Omnes, inquit, & singuli Obedientia filij ipsum Romanum Pontificem ut Summum & Universalem Christi FESLI Vicarium, & Universalem Ecclesiæ Pastorem, cui plenitudo potestatis a Christo data est, cui omnes utriusque sexus obediunt, cuius Decreta pro se quisque tueri, & conservare tenetur, ut semper agnoverunt, & confessi sunt. Hæc clara sunt: si enim Pontificum Decreta tanquam errori subiecta, corrigi à Concilio, ac reformari possent; ergo plenitudo potestatis non jam Pontifici, sed Concilio data esset. Et si errare Pontifices possent, ac consequenter aliquando de facto errerint;

L 3

Christi

Christi fideles non utique tenebuntur Pontificijs Decretis fidem adhibere; si enim Innocentius X. jubeat, ut propositiones Jansenij pro hæreticis habeam, &c illæ hæreticæ non sint; quæ rogo vel in cœlis, vel in terris potestas est, quæ imperare mihi possit, ut fidem mendacio, aut errori habeam? Eadem Universitas adversus errores Johannis de Montesono hunc articulum statuit: *Ad sanctam Apostolicam Sedem pertinet auctoritate judiciali supremâ circa ea, quæ sunt fidei, judicative definire.* Videri potest hic articulus apud Duvalium Doctorem & Professorem Sorbonicum. *Tract. de Romano Pontifice*, p. 2, fol. 766. *Sexto.* Denique eandem Universitatem Parisiensem Infallibilitati Pontificiæ subscribere ex præcipuis ejusdem Universitatis Doctoribus patet, qui eandem sententiam docuere. Ii sunt S. Albertus Magnus, S. Thomas, S. Bonaventura locis suprà citatis. Dominicus de Raconis Doctor Sorbonicus & Episcopus Vaurensis de *suprema Petri potestate sectione 1. cap. 3. fol. 249.* Nicolaus Cœffrellus Doctor Parisiensis & Episcopus Massiliensis *opere de sacra Monarchia lib. 2. cap. 5.* Michaël Naucerus Doctor Sorbonicus de *Monarchia lib. 8. cap. 6. p. 4.* Ludovicus Bail Doctor Parisiensis & Propœnitentarius. Edmundus Richerius Doctor Theologus, qui cùm multa contra auctoritatem Pontificiam scripsisset, tandem uno ante obitum anno scriptorum poenitens Sedem Apostolicam Matrem & Magistrum omnium Ecclesiastarum, & infallibilem Veritatis judicem agnovit, & professus est teste Duvallio initio sui operis de Pontificis potestate, ubi Richerij chirographum exhibet. Andreas Duvalius Doctor Sorbonicus & Professor in Parisiensi Universitate *opere de supra Pontificis Potestate proferim part. 2.* Johannes de Arti Regius Professor *Tractatu de Beneficijs* cap. 3. Petrus de Marca Archiepiscopus Tolosanus locis paulò antè notatis. Henricus Spondanus Apamearum Episcopus, *ad annum Christi 33. n. 5.* Johannes à Celaia Doctor Parisiensis in 3. sentent. dist. 25. p. 4. Johannes Puteanus Professor Régis in Academia Tolosana in 2. 2. 8. *Ib. q. 1. a. 6.* Leonardus Coquæus in Universitate Parisiensi Doctor Theologus in *Antimornæo tomo 1. fol. 83.* Herveus Armoricus, Henricus Gandavensis, alijque, quorum nomina apud alias reperies.

Ex haec tenus toto hoc paragrapho dictis pater, quæ Gallicanæ Ecclesiæ mens & sententia fuerit, quámque immeritò illius auctoritate

Autoritate sibi Maimburgus blandiatur, cùm constet nostram esse.
Nec obstat declaratio in ultimo Parisiensi Conventu edita, quæ
hanc infallibilitatem evertit. Nam & pauci Episcopi erant, si nu-
meres, qui aberant, imò ex industria delecti, quos constabat nihil
opposituros. Sonabant catenæ, carceres, exilia, spolia, & quidquid
homines terrere potuit, nisi præscripta loquerentur; nec libera
vota, sed spe aut metu extorta, aut saltē vindicandi cupidine ob-
minaces Pontificis litteras. Roma quóque, quidquid in eo Con-
ventu actum, planè resciderat; si ergo ne quidem Oecumenicæ
Synodo ulla auctoritas Pontifice improbante, quantò minùs pri-
vato Conventui, qualis Parisiensis? & denique demus, Parisiensi
senatus nihil defuisse; cur rogo ipsius Decreta Decretis tot Con-
ciliorum Oecumenicorum, tot Patrum, totiusque Ecclesiae Galli-
canæ, imò totius Orbis præponas? Aut semper totòque Orbe Chri-
stiano, aut semel Parisijs erratum est, utrum tibi facilius creditu-
videtur? Sed jam in prima dissertatione ad auctoritatem Conven-
tū Parisiensis respondi, quò lectorē remitto. Nunc sufficiat
supra quadraginta testimonijs omni exceptione majoribus men-
tem, sententiāmque Gallicanæ Ecclesiae, quæ Pontificiam In-
fallibilitatem tenuit, ostendisse; nunc ad dissolvenda, quæ
Maimburgus objectat, procedamus.



§. III.